

幼
學
堂
詩
稿

幼學堂詩文稿

積學齋徐為昌感書

癸酉歲之夏寫定古今詩十卷文筆四卷友人屠孟昭見而善之出資梨板伏念少喜辭章時不以爲工長慕樸學又不能博聞強記年垂四十迄無所成古之觀人者曰誠智則有難盡之色誠仁則有可尊之色吾之所爲難盡而可尊者安在也則孟昭之相爲汲汲者其亦昭余之訾也歟陽月沈欽韓自敘

目錄

詩卷一

古今體詩一百一首

詩卷二

古今體詩八十六首

詩卷三

古今體詩六十五首

詩卷四

古今體詩一百首

詩卷五

古今體詩二百十九首

詩卷六

古今體詩九十一首

詩卷七

古今體詩一百四首

詩卷八

古今體詩一百六首

詩卷九

古今體詩一百四首

詩卷十

古今體詩九十九首

文卷一

賦銘序記雜著二十四首

文卷二

賦銘贊頌雜著二十首

文卷三

賦銘贊敘雜著十五首

文卷四

賦銘序記碑誌雜著二十八首

卷目終

幼學堂詩稿

嘉慶丙辰季夏
起至十月止

吳縣 沈欽韓 文起

白紵舞辭二首

金泥作燭輝高堂纖要束素搖明璫含顰含咲詩心藏春
風一舉羅襦香羣仙來下鸞皇翔喻呬萃蔡飄華梁迴腰
欲裊神洋洋珠塵不動凝清光歌聲嫋嫋進洪梁朱顏微
酡雙眉長含意欲申牽柔腸萬歲千秋樂未央

金屏匝匝低羅帷象牀纖手翻冰絲著來輕軀宜不宜釵
聲玉色委瑤墀裴回翔舞不自支流風迴靈絕世姿如行
似止合還離含嬌弄態偏遲遲可憐無比好要支橫波流

五言古詩卷一
一
矚壽佳期滿堂誰是心相知凝情不語有所思

落葉哀蟬曲

槐風松霧隨煨塵房櫳淒清墜秋葉女伶激擢揚素波蓮
房泣露雙蝴蝶開函拂拭玉搔頭修嫵連娟夢裏求差勝
蒙被欷歔日鐙火相親落月愁十載樓船購海石紗帷文
蛤映芳魄可憐欲語不得語是邪非邪心脈脈金莖露白
秋天曉淚灑鮫宮目眇眇高樓甲帳設洪梁卻向瑤池問
青鳥千秋萬歲竟如何休唱當年協律歌猶有茂陵老監
在舊時玉策一摩挲

烏桕曲

桐樹花開朶朶似願得眼并見梧子穿鍼欲繡雙芙蓉祇是長絲未便縫

駭鞦嘶風晨色動碧紗驚破春閨夢繡襦解衣宜男草慙慙半晌郎懷倒

結客少年場行

素絲易爲染少年易爲死拔劍仰蒼天凜凜殺風起探丸快公憤斷舌雪私恥亡命出秦關佯狂入吳市爲奴識朱家賣餅奇孫子易名三十年始得還桑梓當時座上賓各各取青紫相逢大道閒意氣何披靡揚鞭似箭雲擊轂如流水蒼頭挾槩戟黃綬負弩矢傳驅入金閨列侍皆珠履

秋月醉管絃春風驕羅綺青雲一朝致恣意乃如此牆上
易生蒿道旁難種李男兒各有志甘爲裒關士蔚蔚文武
材咄嗟行老矣

讀荀子

有序

余讀荀子書三十二篇其中雖支蔓之言時有紕繆然反
覆其意明王道述先聖嫉世也憂世也殆將用世能使亂
者也治危者也安而齟齬秦魏之間宛轉蘭陵之調侘詩
告戒觀時相之酖毒志懣能不歎喑絃歛乎昭于冥潔于
汙卒不得百里之地以展其才汶汶而沒惜哉其所著述
亦足以表襮矣其與子思孟子譬諸歆歆山谷一嘯一應

斯道孤立可以係援自漢唐以來千有餘載吾儒之學惟
董仲舒楊雄韓愈數人然亦未有過荀卿者眉山蘇氏文
致之論不足取也自宋以後孟子子思之道大行而荀卿
展轉湮沒明嘉靖時遂斥荀卿于國學并及戴聖鄭元等
余嘗論此數人者遭絕學之後苦心孤詣發明經義皆素
王功臣而當時沒其包羅綜貫之功掎摭一孔之失亦異
乎旣行其道理合褒崇之旨矣余獨惜荀卿旣顛躓躓蹙
于虎捫梟磔之主而復忍詬攘尤于千百年之後也爲揜
卷太息焉

荀卿明王道戰國推老師刻意尚危行憤世作詭辭濟濟

門牆內錄錄固無奇猗猗欲搏人座側有李斯嗚呼商周
法蕩然無復遺斯文自不希胡乃歸咎爲紛然輕薄徒習
文巧詆欺儒者弗深考目論領其非宮牆仍舊觀廊廡忽
新規重輕何足係要皆璫莩私我愛周秦書敝簏常自隨
平心一尚論瑕瑜稍有差昌黎予所信大醇而小疵天地
遭陽九聖教否塞時江河一簣障周孔百世思豈非豪傑
士不爲俗習移崎嶇蘭陵令用世竟數奇方柄入圓鑿高
致良足悲

晨與汪五詣鄰園觀芙蓉

野園無主人露白迷天曉清飈何處來吹褰襟裏悄秋色

先幽軒夏氣遲芳沼朱華麗朝暉
菡萏出烟杪想像弄珠女凌波步
嫋嫋悠然瀟湘意愁予目眇眇芬
芳時不薦零落常苦早羣葩各自
媚歎息離居老

披逕一水喧入門四壁靜苔階侵
槐色雲屋分曙影幽篁山鳥翻芳
草游蜂靜堊對澹忘言塵慮稍驅
屏泰定發天光同異知幻境爭席
闔歸真食肉栖遭青志欲傲束帛
心豈惻寒井之子非俗人行當共
洗頰

上雲樂

鹵海浮巨查光明夜不滅古有老
人號文康窮荒絕漠生月窟混沌
破胚胎凝天墜是老人之父母日
月乃老人之

姉兄少與皇娥遇滄浦長慕軒轅游洞庭屈指世事若野
馬死生倏忽如流星自盤古開天不知幾億齡女媧團黃
土后羿彈九嬰夏開兩龍翬周滿八駿迎結繩粦粦不能
記添籌石室常充楹三十六國人不識但笑老人土木龍
鍾形慕中國厭狼臙竊聞至聖作天皇垂衣六十載鴻恩
徧八方跂行喙息游熙皞老人雖遠聞風望父作子述相
揖讓參天貳地徵嘉祥黃星見慶雲翔騶虞舒足青鸛引
吭貫匈岐舌皆來王老人雖老願瞻上國光玉樓被黃髮
華蓋映方瞳甘露盈寶鬢仙仗進明宮不能搯以手執杖
鞠躬對不能語以指畫肚點頭許吹鳳笙擊鼉鼓鸞鳥自

歌鳳鳥舞散天花酌仙醕放勳惟堯重華舜常願九九八
十一萬歲滄海桑田永無改

周將軍遇吉歌

雄虺九首橫千里百萬白徒擁赤蟻當寧不識顏平原金
甌破碎忽至此關前慷慨豎赤旗游騎蹋冰穿腹裏堅城
所過無留行韉尖趨倒不移晷忽驚將軍從天降禿馬絳
衫飄翠眊三千健兒被髮歌髑髏貫稍開軍壘數日所殺
數萬人何人并力殪封豕噬齒大呼落日黃花腿已竭駐
隊矢水中之神地上虎到此伸眉直一死屋山錦繖劉夫
人血浣銀刀俠侍婢寧惜旌竿烈燄焚庶幾忠孝軍同祀

大同宣府賣國來白版交馳補天子
瞻賊酌酒相慶喜勇如將軍一人耳

消憂雜詩

禹穴探金匱常山索寶符著書陳五蠹
考異識三都獨有明良志知非溫飽圖
比鄰笑陳孟取醉日歌呼

饑乞陶胡米暑求鄭灼瓜世情蠻鬪觸
吾道蠶同蛇習舛當如舫彈琴誰似巴
不嫌真賞絕之子詠邱麻

農圃閒相語聊將鄙事稽脰貓鹽祀
竈種鼈菜包畦飯訖聊攤腹飲酣真到
臍都忘遠大志隨分逐醯雞

鄰曲遞招邀相從破寂寥柳風欹澹日
荷雨趁涼宵蟬噪

谿烟暗鳥鳴山月遙不知莊舄者何事獨長嘯

褒璞訝爲鼠加冠笑是猴神君能作語王母欲行籌奇技
當申禁賢材莫憚收相如非善賦果否茂陵求

小婦能調瑟新人善織縑長眉低遠岫青鳥下重簾細雨
黃昏夢嬌花白晝拈芙蓉天上路願得駕銀蟾

千載菁華竭波流怯問津沙蟲皆故鬼簪組是陳人彭澤
五株柳平原千里尊功高自多謗貳負本良臣

高閣與雲連洪厓笑拍肩山林遙若箸鳬鴈望如烟

二語皆本

荀子鳴劍伊吾北乘查牛斗邊風廊一展卷應笑譎觚傳

草木雨餘長蕭然自掩扉吟詩憐我瘦食鰕喫人肥小技

前魚棄長年退鷁飛牛刀堪一試豈老北山薇

孤館銀河永疎星高樹涼螽殘毬露錦衣冷辟邪香秋氣
三商送春愁萬斛量參差吹極浦驚散水鴛鴦

江上袁彥伯桑間龐士元孤舟明月冷老樹夕陽昏跛鼈
安追驥羝羊謗觸藩爾曹迂自誤羣碎莫相喧

湖上采蓮女單衫杏子紅玉波環佩冷銀漢癡魂通謗折
荷爲鏡堪憐玉似弓誰能思公子木末老秋風

寬閒用屏迹茅舍冷如庵世路三無坐人情七不堪雙林
成苦蜜十月熟寒蠶倘遇桓宣武猶能捫蝨談

招隱苦不早百年負寸陰肘生堪惡柳冶躍不祥金虛貯

通中枕難穿乞巧鍼綠章封事奏雲海又沉沉
二八垂翹袖三千待早鐘輕雲綰楊柳清露滴芙蓉寶幄
香烟裊瑤臺月影重唳鷺休報曉好寢在巫峯

詠塵四首

寶帳明離著處微不教野馬亂朝暉非烟非霧愁同裊爲
雨爲雲寢亦飛羅幃行來憐冉冉象牀舞處憶霏霏一從
落葉重扃掩謫惜芳輝斷素微

微風不展隔簾閒愁絕當窗倭墮鬟千里黃雲生馬足經
年明鏡怨刀環最憐甲敝關山外可獨衣綰京洛閒冰簟
銀牀思婦夢幾時拂拭一開顏

以爲生言禾 卷一
大地何年劫火紅誰能雕鏤奪天工梨花月榭輕烟裏柳
絮雷塘細雨中當日靈芸迎輦聞迴思王母埽壇空麟須
翠尾知何在都著茅廬擁衲翁

誰侶彈冠復濯纓看吹一息隙中明苔侵釜竈休嫌拙鼠
印書牀或歎清且喜面閒三斗公將毋扇外百重縈珠邱
回首秋風裏莫向華胥結幻情

七月一日過徐氏不浪舟觀雨

夏雲橫空鬱嵯峨爰風子雨無殊科空山風雨咫尺近歸
人逐鳥投林柯前山霞赤後山雨中峯忽斷迷烟波一山
已明一山滅蜿蜒隔手相移他忽轉風頭擊庭竹頓埽雨

脚翻田禾黑龍下垂水皆立白虹中桓天爲頗鱗鬣飛動
百歲木珠璣錯落千莖荷但覺屋瓦勢欲振不知戈戟聲
相磨悄懷滿座各無語披襟但快清氛過須臾衆峯仍羅
列似歛塵鏡描雙蛾翛然欲送新秋至極目眇眇愁春蘿
徐君雅素在中聖村醪澆我詩腸多只恐奇景逋莫索急
埽雪色吾其歌

七夕

風動空閨月影低沈沈清夢向遼西人間多少生離別腸
斷今宵唱曙雞

雙闕壘稀鵲遶林小樓風綫欲穿針水晶簾下裊回立碧

海輕雲万里心

鮮卑兒

江東一馬已化龍
狡兔藏窟何老公
石頭城外笳鼓急
妖星犯座連白虹
巴滇駿馬湖陰控
七寶金鞭塵不動
赫然赤日壓軍營
帳中驚破升天夢
牙門伏夜那敢追
山頭篳篥鳴鳴吹
紫髯碧眼真龍種
鮮卑兒耶來何爲
天上機槍隕如雨
螭頭金粟悲黃土
流芳遺臭將何從
可人尚羨桓宣武

汪五

涵金

祭家祠邀予共遊園林作詩三首題壁

曲曲清谿浴淺沙
幽幽別浦擁枯查
青牛日暖暝茸母
白

鳥風輕聚昔邪雲水畸人堪避世鶴某處士亦爲家百金
何日營韋黯桐竹成陰阡陌斜

憑欄濠濮興如何條鉢浮陽在藻多燕語春愁遲公社蜂
聞花事懶歸窠曲廊桐露簾櫳映水榭荷風襟裊過君憶
童時釣遊地憑余擊木發高歌

此日相招六枳開一庭疎影蹋青槐堊花映水迎風落古
木撐天送雨來書劒襟懷愁薜荔山林歲月老莓苔錦衾
角枕閑齋日公嫗田間笑語回

八月一日作

卧聞風雨攪林柯簾外輕寒著紵羅苔迳烏棲桐葉少柴

門雀巢稻花多眼前秋色隨人老愁裏春光與夢過從此
疎拈淒玉露不堪雙闕望金河

次蔣坦韻

毛錐敝鐵研雄劔鳴塵壁握槩暝烏衣投筆裹馬革文武
唯設施負舟有大力三年目不瞋枯梢堪刺擊顧我學何
成雙眼裊裊隔敗簾嗜陳言美仕困常格仄足已十年迴
首如一夕五車道多舛三耳義難析技成何所施嗜專又
已逆馬虵醜向人青蠅埽來客豈意勞吹噓煖若干狐腋
攜刺入馬廐傾倒抒匈臆佩服更陸離顧盼映邛屣於此
乃揚眉筆舌妙猶憶從來有酒悲脫帽梧櫟擲五經聽紛

綸詞源奪重席宵深離遠林重露間涓滴一宵恩主人連
牀共反側茅舍雞喈喈紙窗風刺刺此樂何能忘徂暑傷
離逃滄浪發櫂歌風塵辨馬色思君時詠吟老我勤繙繹
自顧宜四休相從少三益欲以書生癡冀挽造化刻埽除
湖海氣住理烟霞癖但求守水碓何妨貴官厯可憐絕真
賞曷吝紛難測覽君斐然章手書堪爲式重疊荷良規散
木煩決擇小人自偷安吾黨縛典則黽勉所不逮奚至愚
且惑思今盛明世禹功整地脈芻粟急軍興瘡痍養鳳昔
生爲百年人萬古裏何極之子磊落才願得從游息行尸
走肉輩寸長謾尋直王傅或輦金孫楚思漱石魏闕與江

湖雨途慎所克

八月十五夜作

遠林含翠似修蛾
竟夜天青月作波
映水樓臺三面好
交秋詩酒一宵多
餘生快意難知我
此夕清光莫負他
飲罷中庭還獨立
佳人天末意如何

銀河萬里露華濃
燭影微翻樹杪風
蠟屐雲山將獨往
酒杯花月莫教空
高人心地清涼處
寒士襟袵感慨中
如此良宵差我樂
牙籌拊擋笑王戎

遣懷

此生覓得釣魚磯
坐看春鉏撲刺飛
高獲安能改常性
季

咸謗訝絕生機長名榜上夸先輩月旦評中屈布衣莫逐
兒寬作都養食貧已自笑人肥

曹蜍李忠九泉中俊物難求大地空仙洞愁深三里霧梵
天力怯一輪風充腸僅作希祠鬼持面誰爲無過蟲自問
窮愁著書志不將歲月老牆東

贈彭上舍

兆蓀

兀坐寒窗太瘦生句中武庫自縱橫問天每少驚人句見
爾方深懷古情慧業他生終作佛丈夫一宿肯從兵張融
羽扇當移贈頓使風塵雙眼明

仲秋雲間張子白婁束彭甘亭蔣履齋至山間邀同

汪剛身吳三橋遊鄧尉鍾吾返棹遇子復探支硎
天平靈巖之勝剛身繪爲長弓余得數詩附于左
林外相招手村屋接梵居山川兩映發竹樹數蕭疎徑逐
非非想人看化化餘寒泉清徹骨便此結茅廬

小榻支公座偷閒醉欲暝春蘿含睇遠紅樹入情妍寥落
人知感蒼茫我自憐幽禽引勝處直向白雲穿

高步四賢合儒風一世師規模原遠大否泰惜推移長白

捫心日天章披腹時從來醫國手草草莫相期

詞文正
范祠

天地隨人老行驅薄笨車有肝真笑鼠無足獨憐蛇落日

吟山鬼秋風醉酒家平生癖香志謏欲向人誇

仰面天平落森然捫足寒歸雲當鳥路怒石迫林端措矢
危厓歇操弦流水彈不堪暝色合迴策興闌珊

漁火亂烏亭榜人理楫輕半宵蝴蝶夢十里蟪蛄聲消得
湖山福難忘詩酒情明朝烟水濶鼓柁各徂征

立馬威猶在空山鬼火青生爲上柱國老向小朝廷鼓嘅
長江隔驢傷宿草停兩宮殊未返孤負玉堂銘

韓蘄王碑在蘄村

高致出天真林泉畫本循無名皆處士少達半詩人未卜
風塵志且安邱壑身鹵風江上滿千里諧香薌

橋亭賣卜卦歌

孤雲一段殘山取淚痕血點色蒼黝直使心堅似鐵磨漢

宮誰見無疆壽池上旌旗赤蟻來案頭霹靂黑蛟走秋風
拉瑟崑火焚土色敦顏多忍醜流離不死入建陽孤負勤
王草檄手驛橋賣卜受百錢忠孝大義爲人剖六十四卦
窺聖心以二乘五剝亂久老龍戰血千里流碩果雖餘求
速朽衰石同歸擬庚寅絕筆自推在己丑大元固欲速其
死蒲輪束帛驚雞狗慷慨流涕萬言書研乎爾忍見此安
衡水空懷羣鵠嗟推案宜翻參政首龔生竟爾天天年此
研展轉爲誰有金鳧玉斝事蒼茫銅廠蟾蜍等塵垢水雲
字顯二十八右文閣儲一百九頑璞得與忠魂存滄桑雖
易珍瓊玖只將對策摘龍文不寫降箋壓螭紐千載惟同

玉帶生追隨翰墨稱良友知爾黃冠處士閒赤蚪共駕歸

南斗

公與文丞相同登寶祐年進士文一甲第一名公二甲第一名陸秀夫三甲第一名

范石湖先生祠

鹵河留守一年還東閣參知兩月遷欲乞聖恩前輩忠石

湖果作鏡湖傳

滕元發戲語人曰若蒙聖恩以石湖作鏡湖賜元發生平之願足矣

宦忠闌珊絕景幽

周益公謂天闕絕景以須其人

銷金鍋裏正無愁簫聲

隱隱垂虹外不遣紅妝對白頭

讀後漢書四首

東漢如東周氣象蔚然衰大權歸外戚老陰晦蝕時帷帟
共定策跋扈誰禁之原厥開國始立法亦戒私乖張嫡庶

閒詒謀何不思防閑旣未篤流弊乃若斯吁嗟百餘年六
后繼兒嬉褒此繼祿物持久恣蒙欺自古保家國不幸處
危疑攝政有芻宰輔翼惟良師奈何奉女主迂爲孤憤咄
權隆集怨口利深速旤機哀哉中朝賢強項先誅夷

豎貂始漏師恭顯繼穢帝未若永平後四壘耀於彗昏童
擁虛器貂璫効小慧握殲招億錢含憲走四裔清流盡羅
網忠公瘼與隸天墜指顧愁道路潛焉涕區侯位旣崇阿
父燄彌熾枯榆燕爲祥南宮雞兆戾嗚呼炎漢統不蠲擬
旒綬君心始退違衆怒乃進銳開門揖盜來屠沽兒失計
譬彼埵頸癰癰潰人亦斃此禍竟綿綿開世爲妖厲在漢

靈帝朝在唐昭宗世

兩漢崇六經未食儒者報莽操欺天下符命獻諂笑奈何
致命賢寥寥氣衰耗世宗欲固多明章惡何劭園橋觀聽
年日星正焜耀卓哉數真儒周孔述體要後進過惓惓章
句假笑兒一言稽古榮揚眉相勸告所目絳帳人醜顏鴈
犬效逮乎鴻都開穢氣羞學校縱有風烈士慷慨裏忠孝
不爲黃雀彈應被青蠅弔今古皆如此姦雄始桀驚奉筆
三十管公靡卽舞蹈

嚴陵全高志天下始嚮風頑愎有迫色盛世此道崇自後
帝惡衰世故多洶洶惟此數君子孤高歲寒松志意驕富

貴道義輕王公揚清與激濁矯枉或過中江湖固可樂廊
廟豈宜空逃名名輒隨辟禍禍亦從操之在太急鉤黨所
以訐要其脫塵垢渺然想音容迄今數千年要途何隆隆
廉恥事多喪展轉夸雕蟲人主苟矜好風厲非難逢我讀
唐宋史猶有繼高輓

采菱調三首

蓮塘盡處插菱圍荷葉踈踈菱葉肥谿口雲生山雨至還
將荷葉蓋頭歸

紵裊楚楚稱纖良芳草堪禁蜨意撩不拍西風歛鰓緊儂
家十五卽乘潮

采蓮多刺蒺多角若問郎心那得知侵曉出門妝草草秋
波偷照搵雙睂

初冬題壁

江上秋風客癯孤寥天破墨望饌餽青山黃葉題詩處又
入蕭晨雪意圖

橫山一片石峻嶒孤堊窗細雨聽此日開颿成小別某
華春信幾長亭

初冬雜詩

本見草木解造化罷亭毒黃雲網平原低頭禾遮熟農家
婦子歡刈穫要斤擗場圃築墳墳寧數太倉粟老翁挾穀

菱播麥及戎菽夷下通水行陳根隕土屬屈指小卯仟
縣透新綠嬉嬉入室處手腳免徂塚土室圍柑柚粲白飯
新玉可憐橫經士御冬無旨蓄

雕卵而後淪雕機而後爨了無可異處用心一何散文章
經國事非虞供龍斷如何子墨卿貼呷翻几桮鑿空門新
奇演古成點竄鏗勁誇莫鐵機新稱轉彈居然操赤幟聲
類相渙汗猩犇更計跼眯目忘崖岸無論聖道侂文教亦
已亂寧飲三斗醋莫逢埜狐幻

偶秉大塊氣龐然象人形精神一朝離真宅歸冥冥人鬼
相代謝特爲造化伶如何涓都梁畏鬼戕其生畏人甚鬼

鬼人比鬼更癡世路何縉限險巖頗不平腹中藏鱗甲豈
識冒上名老踰化爲猿變幻不可撓所以兀者流恒具枯
槁情行歌自帶索勿追緝綽榮

鷺鳥搏黃口鴈鴈羣雞駭山村曠無人曉霜壓苦蕒松風
度萬壑雲意亦瀟灑臧穀驅羊羣寢訛角芴芴深林多落
葉山僧行颯纒拄頰倚茅簷折折看欲罷此地連湖濱秋
高足稻蟹我游軸轉斛謀生夙根駭巢由豈易爲有山亦
須買且資蕢酒負胷懷暫撥擺

築車入鼠穴擣齋噉鐵杵癡逐非非想人生迷處所牧豕
東海濱抵掌裂茅土惟妄更生妄營營競求取其此一寸

心直與天地拒，掘金患已昏。求鴟計早阻，望暉以泮桓。百
年苦僂僂，誰知目眴然。槐影日正午，覆蕉鹿何尋。守株兔
無存，睚眦萬鬼笑。撻蓬髑髏，古貴賤皆同歸。生人不蚤覩，
何如老役人。宵歡旦作苦，宵旦不關情。鵬然心無選。

衆峯低於欄，縹碧畫能就。松烟萃中浮，石骨谿訝透。負寒
皆植立，凍皴入膚腠。晚晷漸移影，落霞亦停覆。霞日相晃
蕩，艷赫爭巖竇。散入埃壒表，紫駁復赤赭。龍從疑赤城，未
彈丸烏鬬低。涵齋淪水高，爍碕礧岫雲皆怪彩。繚烟作異
鱗，皺清風吹倏忽。天地容如舊，原色望奸黠。歸人髻微逗
元雉，化蒲盧。寒塘寂無那，瞰臨何所思。幽響生咳唾，時有

銜梗鴻羣飛忽驚邏砂爍光晶熒綠澗已翦破行歌悲浩
浩眇然念嫠婦圻此一泓水下有寒蛟卧我懷攀蒿草不
予不能過良輶雖環濺恐被塵泥浣欲呼於鵩名致此辭
弱懷揜泣訴涼風歸來唱不和

季倫年三十不爲家公知焉能濟艱艱茗芋固其宜惟我
吞瑞鳥揜藻摛文辭薨圃屋無識潦倒真同之塊壘不借
澆渴甚老羌脾隣交知我意醜我無當庖望敢啖牛心行
同食蛤蜊一笑拓秋肉平邈曠且忒狂奴有故態浩若呼
風夔仙仙與覲覲奚屈老兵爲盧蘇煽搖撞折筮可鞭笞
鰥鶴空屯聚反遭毒手麋請纓夙有志拂衣從此辭

白石三十歲不願升青天天上洵可樂層城萬里連胡爲
甘隱遁人呼地荷仙上界足官府一日三朝元不如散真
樂澹泊忘其年癡頑得厚福聰明睦劫緣我今撐凡骨頑
甚不可鞭笞未假飛騰母寧安屯直擾擾長安市車塵何
喧闐臣朔飢欲死呼天不見憐如我正偃仰枯樹老屋閒
天若容終老得謀太湖園漫莊拾柿葉包山採蠶編斗漱
冰雪腸餒以清冷泉

林間集寒臬蕉萃自躡翼常恐鷹隼擊飛鳴裏惴惴杖藜
耆誰子歛然獨墜企慰襦不揜豁弓米未糞食北風中肌
膚瞿然神愕貽公等終餓死唾罵爲世棄吾道竊相憐揖

之呼其醉英氣驚座隅猶是赤里驥傾倒據匄裏狂言各
無忌奇功出趺跣巧宦尚墨屎衛霍所養才固宜眠踞廁
吾儕憂數奇終憐骨未媚勁杓國門關有力亦奚試

伏生背如鮐一經猶繙繹子雍髮覆髻不藝已精覈學問
乘在天奚獨功名迹世家紹弓裘順風鳥傳翻寒士奮儒
林緣竿鼃斯跣自立固較難苟竝超冷昔知慧生憂患醞
釀深岑寂謀宜席借箸治豈稅傳革唐舉相莫憑常何薦
無益天旣生奇才非忍輕棄擲千古窮經人無庸悲嘆惜
鈍根難磨瑩讀書畧不記猶愈不讀者什伯求一二惜無
好事人捆載五經笥真如羽陵蟬衍謀集賢吏時時拾殘

缺侶從孔壁至病讀傅元詩暇較昌黎字譬如稱貸人乾
沒了無計無已傾家貲出凍裹自肆未足實便便聊以解
啞啞人謂書生愚晨炊且姑置一笑誇貧兒僧孺用新事
寒儒飽粗糲知無肉食相少許下鹽鼓絕望陳醢醬今朝
咬菜根頗足滋腑臟土膏飽經霜風味始酣暢正如幽人
節冰壺無俗狀念自春夏來分乏園官餉朝夕求諸市僕
僕以自養井丹豈推按仲叔自拜覲此君自晚名直據筍
菌上不必吾家蓴元修名洽讓使民無此色裹才不敢望
倘揚玉堂風臣飫覆雪盜

工夫用何處不暇拭涕下舉頭見月圓幾負此良夜素娥

一片心直剖露天緯霜壓雲氣沈壘兼風威射傍山數茅
椽蹙縮寒影架憐此閒冷情世人不能借與爲鄧禹笑寧
作伊優亞口中囁嚅語夢寐形歎咤焉能對清景比我更
無暇我悔讀書遲計迫倒餐蔗只恐淫吹漁造物學不赦
龍蛇不乘時心死如止水丹鳳銜裏中斐然述作記數劫
劇天根象儀擲石髓當其覃精思宣髮而脫齒自苦笑空
中醜觀紛馳趙豈知不覆瓿千秋荀孟峙春華與秋實自
處宜審矣少襄惠璉志研朱成漢子常恐世故棄歲月不
我俟慷慨忽改常貓犬休竊指搔首羊太傳何如銅雀妓
霜臺耀朝日山勢俯原壘裏古發深情登臨一抒寫此是

三棄人拂衣傲世者鼃聲紫色輩多少揮蓮社智故非偶
嗟帶索歌風雅輸絹乏千頭爲屋陳三五諸侯不通刺創
來鞠堪把流風一朝歇陳屍悲屋下當時碧紗籠摩挲真
賞寡野燭嫋嫋噎杼井涓涓瀉古人不見我哀至清淚灑

過詩人葉橫
山先生故業

深深淺淺流水畜戢寒影十十區區行雁子銜清景秋冬
難爲情寒空星斗靜遙知水仙子玉佩荷裳冷金魚鎖鮫
宮孤鸞光問問湘管泣幽蘭一串明珠迸殘月斷紅霞羅
轆立孤迥紙窗聲窸窣侶拈花枝打白鶴招不來誰能御
窩角噩夢悸空房潛思至蹟淨綠水與陽阿流風哀歌郢

寒雲霽墜表空山無一慰爲問洞庭空霜林已熟未尋常
給客橙共侑蟹螯味去歲經苦寒殘賊無剩卉龍洲雖千
株大半樵人利但憂公稅輸遑言奴價貴日莫空歸來四
壁對歔歔卻羨湖濱田數斗濁泥溉秋高納稼後指困足
饗餽老麥欲除籍腰鎌艾荒蕪焉能忍餓死更作十年計
念此忽歎息羽翼傷華歲冉冉九畹蘭芳菲恐蕉萃

豎亥步九州禹疆移兩山天工誇巧力穿鑿元氣孱易此
榛狉質刻畫分靈頑生人始慙能挺捫迨爭端徵求日不
足造物謝無權位迂各犄角欲排坤與乾乃患不能養劫
灰出幘漫獮薶如禽草百年稍見安哀哉巢幕燕苟營忘

憂患老莊何窮偶諉咎於聖賢

朔風浩呼胸白日度悲谷綠辭障園林黃殘對籬鞠簷端
窺飢戢天際逝孤鶩律萃露寒峯逶迤閒平陸蕭然一室
中遙憶新篳熟馬廐無通刺羊肆返初服李生怪薰灼秦
子甘臥宿善機求息心憍氣戒多欲巧彈能去毳善刀豈
全目不同炊塵羹自異還珠櫝止怒莫若詩嘯歌行擊木
挂錢神樹傳置魚鮑君號古今尚淫祀妖由人所召湖濱
楞伽山巍然五聖廟少年呼爲郎老負尊以媼巫覡誘卜
筮歛息出竅偶然感寒暑定云犯邪耗性命若求延牲
酒須急醺剗鯁羊與豕歡飲男女鬪紙錢滿地飛蠟燭竟

天燎祭酒及鬼卒一皆厚犒鬼等有伎倆造化無施報
跳跟白日閒善欵相計果安得湯都堂拉雜復摧燒
不願逢惡賓不能對殘客屋梁仰著書頽眉行如戟濁酒
自彈箏一醉橫瞋石偶然邀酣飲郊埜憶步履奈何百尺
樓便思厠足迹呼童移吾牀壞面本不屑旣非何劉輩何
處摸索得無計驅之去索火歛雙屐米價竟如何支吾聊
塞責新詩雖盈把欲取定不亟明知拂世情其狂正難及
咲縛黃皮袴武庫有奇癖試言要腹大流輩容千百
十月已過半鞠花猶根苑南方氣未寒開時故較緩山人
五晦宅浸潭菰蔣滿老圃溢晚香晨夕相爲伴非我尋詩

來三徑蹤常斷秀色不暇餐奪目驚踈散黃白品最高紅
紫態亦婉從容不敢擠顧影憐繾綣花事至此窮天上意
人嬾向非孤高性寂寞猝亦罕念我春夏閒修籬分苗短
淫雨根葉爛歎息空町疇番分山東歸西風共孤館

黃亭歌破斧淒絕不堪聽奧窔坐跛躄相也遭此命誰能
出人力而可勝天定不棄脫劒羞共作彈冠慶當其挾媚
骨亦甚夏畦病豎儒或遭罵老槍不足敬一朝文侯印不
堪以易餅懊恨薄情儂使人至此竟嘆息熱中人今古同
奔競厲世摩鈍且誘人甚陷罪爛熟一思之吾黨宜砥行
王述固非癡韓皋實是硬

雲旂觸石生百丈隨風颭了了青芙蓉歛落修蛾斂天公
巧搏弄橫空散雨點野鳥側眼愁江邨景色掩悄然瀟湘
意千里水墨染槁梧擁灰心悠忽形骸儼峭寒射雙眸灑
灑拖濂濂空山忽怒號老槐燼青燄危蹊積乾翠滴碎平
如剡喧喧懸霽閒愁腸共浸漸鍾生聞磬悲昭文鼓琴慊
尻輪與神馬奇想夢成厖參井不可捫歎息芝泥檢

宵深勞攘息岫幘熒寒鐙石梁松雨滴山樓桂月升天宇
仰寥廓寒潭映清澈宿鳥蒙霜氣征鴻溯雲層平林向人
遠羈厯埜烟凝芳草已寂寞黃華復凌兢佳趣固自樂善
機未敢矜茈虬庭蹊步汎覽圖書徵術鑽志已下義耀名

無稱何容捉麈柄惟勸摸牀稜榮糧孫歸得旗世在道勝
古人貴周舍愁日懷良朋

纓璫遠莫致捉月乃仙去今古奇特人生死有異數人知
愛倅指安望追步哆談傳世才紛然呂瓦投譬諸瞽人
鐘匏槩相生誤俗工謂調矣師涓乃無取念我秉精氣每
深沒世懼盛名垂竹帛奚羨凌雲賦奈何困鹽車不逢孫
陽顧又無瑯琊田賣給公車赴悠悠少而老冉冉年華故
爲問瓊子骨彩雲果垂樹無冷齒載驚尚食棄餘芋
雷聲何隆隆雪意旋晶晶陽奮旣非宜陰凝又太早得無
行夏令吏治稍苛燒深山窮谷中愆陽鬱隘湫不能固其

藏非時更騰矯蠅蟲從何來營營入座繞大塊噫而怒朔
風奮如埽積雪覆空林天墜氣深杳豐隆與滕六錯互鬪
奇巧裴葛一日更水火雨間造鳴條破塊時差事如此少
巧牆老禿翁蹙額愁萌兆來年麥不登餘生作餓殍
十七日暄甚雷雨二十八日驟寒至晚作雪矣

讀曲歌

與郎縫征衫頻盤一繡絲郎眠休掉臂小語褰羅帷
冰臺可引火鮓答能致雨區區抱密意郎何不相許
幫葢刺芙蓉幫要壓珠璣郎去不曾著化成峽蝶飛
攤髮梳幾遍千絲復萬絲兩山望不見子子履無綦

午寢困曹騰郎來故相戲無力衰郎要知儂有所避
撲朔與迷離十重遮錦被兒女雖兩家若岑無同異
寶馬鐵連錢江邊撇波太護是女兒花箭惜青膏誤
繰絲祀馬頭織成紫綺裘稠疊綠底中頗憶纏綿不

幼學堂詩稿

丙辰冬起至
丁巳秋仲

吳縣 沈欽韓 文起

半臂二十韻

繡假襦還異紅霞帔許同壓珠憐抱背刻玉憶交躬製出
秦皇禁儀如隋帝宮兩當筩鎧襯紕裋汗衫衷金粟比肩
稱銀鍼布袂通越羅輕僅兩蜀錦細逾纓斜領圓搓細飛
髻却倚櫳端詳襟似月小立腋生風倚裊渾疑斷垂裾那
用蒙隨人修短度加爾綺羅叢額黼塵堪禦羅訶粉自融
傳鞢趨武帳縛袴上花驄寒夜禁無已貧時怨阿忠美人
憐其媚良友歡何窮分隊轅門裏緘題雪窖中妝成紗扇

見寢覺玉堂空畫檻花承紫巖廊日映紅何心翻夾禎相
計疊同功佳句稱消得清歌聽未終羊肝還著否仔細帖
薰籠

燕臺詩四首

春

東風無賴偷消息柳顰鶯嬌作春色錦吐雜華五色成紗
籠芳草千端織高樓卻上辟寒簾洛成掠鬢鬪穠纖鮫人
串串嬌紅玉柔腸一片凝香斂龍鸞畏風慵不迫忽登鳥
聲落窗裏桃花不明李花明遮斷江南數千里誰家銀鈔
紫騮馬蹋碎芳魂絳雪下天開愁城總無情雄龍雌鳳成

孤寡子影婆娑兩向波一水脈脈如黃河飛魚鱗鬣橫海
去白鵲簫管銜雲過絲牽絮攪毀金骨秦箏寶霧晚消歇
胡蠶偷眼人不知空階夜泣梨花月寶鏡臨風望仙島煙
憎雲愁不了了仙郎攜去萼綠華子規血盡春紅老

夏

百寶闌干綠陰靜榴花潑灑對妝靚池塘面面楊柳風一
寸橫波驚倒影燈膏畫屏捫血迹一縷心思山迸裂欲將
巨網罟琅玕休使龍宮有冤魄午睡囁囁喚難起片魂飛
渡瀟湘水不知香汗透冰綃但覺水雲涼遍體山鳥彩樹
鳴鉤輈芳卿珍重何從求雲璈八琅不解聽撥斷韞弦化

赤蚪玉女投壺天忽笑芙蓉塘外閣殘照壁風徹骨碎輕
裾蓮歌悽斷未成調去天一握思何苦恍惚乘雲灑白雨
願得龍女拋銀梭織取迴文二丈五喃喃咒天天無奈長
榆颯窸流光墜不滅千年化石心崛起海根雙闕對

秋

天河欲瀉星光動阿濫堆歌紫玉弄白紵爲袍薄似雲綵
絲雪瓣裊金鳳修竹不須彈甘蕉長虹指天天路遙天孫
何忍眩銀海耿耿匏瓜舛綺寮玉樓桂子落如雨仙妾蜚
織娑婆舞青要一夜撲蓮房貝宮獨泣絮衣女麟鳴龍門
空城哀眞珠瑟瑟蝕青苔莎雞夜弔蘭根死千年結恨嫵

娟子命薄情長書赫蹏傾城一顧竟誰是點點螢飛五色
羅天街風動冷如水三更戍火歛清角奇鶻決起青翎毬
霜萍九子晃寒池蟾蜍跳波不能捉水出峽中雲出山缺
者髮玦圓者環少小學梳望仙鬟雲車風馬謂可攀

冬

空山突兀如骨立杈枒相向怒挺刃湘竹無心一束愁白
石青谿燒野燐金鵝稠密風箏高玉篴無隙窺寒泉爲郎
複袖縫八襖朔風脆截金錯刀天工似妬美人巧霧帶煙
鬟綴木杪絳河無聲僵老龍瑤林側目三青鳥車子向空
悲清微五銖衣薄惜月姊叵耐吳郎白玉斧夜舛寒芒八

多學堂詩集 卷二 三
株死清眸炯炯含酸風金盞無塵虎刺紅縞袂羅裳選好
夢黑雲裂雨驚哀鴻龍頭瀉螳銷金酌卻笑寒門語雙鶴
更抽鬢棗敲冰華瓊瑰記得盈懷嚼

落葉

嫋嫋秋風下洞庭蕭蕭暮色掩重局無言盡日隨流水有
恨經年盼短亭孤雁聲殘飛暗雨哀蟬曲罷牋疎屋從今
遠道何堪望一抹寒峯天外青

雅愛停車霜後姿五晨六旦看淒其灞陵一別嘶金勒長
信三秋步玉墀斜日寒煙回首處曉鐙孤枕斷腸時丹青
辛苦天工意忍使山巔與水厓

休說三生落木庵。杈枒空自指瞿曇。相添一水蒹葭冷，獨
映孤村橘柚酣。青冢明妃歸漢北，白頭開府望江南。相思
更觸傷春意，記取香魂葬一龕。

幾從合浦下虛檐。含繩牖麤朔氣嚴。三徑苔封遊子屐，半
潭塵揜美人奩。遲迴風力江湖舞，瀾漫燒痕雪霰黏。一笑
回看天地老，呼童縛帚爨煙添。

離懷誰慰足音跼。聽走前軒復打窗。秋老詩魂清渭水，宵
深旅夢冷吳江。青谿倚棹催金翦，空谷牽蘿暖玉釭。此際
可堪羌笛怨關山，搖落不成腔。

畢竟歸根未了緣。且從空濶眺江天。行人露髻平原外，宿

鳥戀窠夕照邊霜月有情傳澹畫雲山無象問枯禪他時
終藉生材手點綴從前世界妍

殘月

晨星耿耿列天街卻對空閨欲入懷碧海魂飛公主鏡瑤
臺夢墮玉兒釵當空易被輕雲掩欲落還愁曉霧埋十二
闌干空倚徧明璫風動想弓鞬

寶瑟凝塵冷洞房雲中墮魄枕中香玉簫聲散三更雨翠
鳥歌斜一樹霜天上含情遺跳脫人間好夢想霓裳未能
翊手懷雛子自褰重帷看屋梁

白榆斂下漢宮秋三五含情四五休金鏡刀頭提舊恨玉

關弓影抱新愁妖姬樓上臨妝巧
幼女堂前錯拜羞可柰
曉風何處落金人十二烟清眸

唱斷寒閨子夜歌相看曉色向人多
白門煙柳寒雅影黃
渚霜楓落雁波人語昏黃斜漢
樞客魂惆悵亂山過陸郎
去矣斑驄遠他夕清光柰此何

半弦剪取帖牆明辛苦虧盈耐玉京
千古紅顏隨爾盡一
宵白髮看誰生竹飛黑雨江邊瑟
桂落剛風嶺上笙天地
誰能終不老素娥清減亦緣情

高興南樓莫復論那能瀉杓埽煙昏
光連烏鵲還相遶影
落蛟龍未敢吞倦眼臨波對牛女
愁眉倒暈入乾坤前身

月戶閒拋卻莫怪相思易斷魂

畫屏風詩八首

艸發芳林圍衣裁披香殿好花聚一叢遊鳥啁百轉繡陌
衣香畱畫橋人影亂襪褪露錦遍整釵卻紉扇駐馬一回
首可憎已相見

千花常笑日一鳥自鳴春釧見插花手佩知翠掌身蚪脯
玉腴列鶴髓金粟陳眉長翻倒暈要怯欲泥人可憐丹青
意不語空相親

南都青黛鬢北地燕脂脣畫出天仙樣遙知見妬人花香
微拂袖波影若含顰倚帷未倒雪隔幔不生塵閒情欲一

賦含意若爲申

柳鞦韆搖錄衣某融團粉臉春色媚烏銅流光注碧簾簾細
香煙浮窗虛綠雲斂風動玉珊珊月明金冉冉春夢亂梨
雲深院重重掩

蛛絲映流黃龜甲單輕褙金釵行十二雲母牒千重落花
舞飛燕行雲墮驚鴻畫眉挹蕉露彈琴游蕙風應與夜來
愁俱教寵魏宮

葦艸春巖綠天漿幽澗流煙霏金約腕雲重玉搔頭竹裏
簫聲遠花間翠羽畱舍情侶有訴郤欲展雙眸未許織成
帳一顧舉銀鉤

春風到繡闌遠山先已青
美人攀芳樹嬌鶯正弄聲
浮魚吞飛絮遊蠶投落英
佩宜贈交甫酒或邀智瓊
相期帝臺上言共采春榮

文錦濯春水芳草流春波
古查牛津下紅蓮雁渚過
明湖開玉鏡青山埽黛螺
彩蜺天外駕丹鳳雲中歌
蓬萊飄渺意迷樓欲柰何

閨怨篇

寂寂高樓倚鳳城遙遙春樹間
烏亭但知聯騎從軍樂誰識
空牀獨守情空牀依倚捐寶玦
空階裴裒冷羅襪屈膝屏中夢
遶燈流蘇帳外魂迷月月色
芳魂冷洞房鶯聲新

夢轉遼陽青鸞對鏡花含笑朱鳥當窗柳拂香落花飛絮
空思憶車塵馬跡無消息焉支滿墜燕銜窠茵苔一池死
比翼比翼鴛鴦挑綺紈雙飛蝴蝶宿闌干銀句紐薄蟲絲
織玉道檢衣麝氣殘淒清小院垂銀薄裯疊春衣閒珠絡
北堂萱草豈忘憂南國生香空辟惡南國年年歎別離北
堂歲歲曠佳期紅綃聚淚盤中句寶瑟凝塵機上詩也知
妾命多方誤也知君意不相迕天厓無奈望靡蕪閨中可
惜霑霜露霜露淒淒黃鶴驚關山寥廓乳鐘鳴況是同中
發六郡不堪塞下戍三更太史河邊洗斷劍夫人城上吹
寒角唐弓三合插青翎冀馬千閑噴紫玉蒲萄美酒撓畱

犁孟勞寶刀拭鵲鴉靈鉉龜龍蔽天起棠夷犀兕與山齊
此日征夫距曲百此日空閨形影隻隴首雲歸舉杵砧亭
皋葉下響刁尺玉箸闌干霑繡襦鴛衾夾纈煖香爐星沒
銀查晨度雁霧迷金井夜唳烏烏唳雙宿影堪羨雁度千
行書不見睂愁新月落關山要怯淒風吹縞練要支昔日
向懷陳眉黛當年施手新章臺走馬歸來晚上苑看花別
後春賦粉從此銷鸞奩紉扇須知委鳳篋媚君常佩紫荷
囊望君自理木蘭楫聞道交河信使歸試言瀚海陂芒稀
急下香階剗繡履更開鏡屨整羅衣

楚思

曲池七十二鴛鴦亂舞盧家白玉堂雲外簾櫳迷結綺月
中環佩門鳴簧誰棲瑤島三株樹難乞金莖五斗漿角枕
錦衾真不得帝臺正舉百神觴

鞦韆隔影逐金丸澹澹雅黃的的丹楊柳枝邊搖屈戌柂
杷花下倚闌干消魂乍見香隨蝶入骨相憐影弔鸞欲倩
歸風爲送遠柔腸錦瑟不勝彈

芳年老去怨嗁鵲古洞迷香小有天輓玉如春酣鶴髓明
珠不夜熟龍次呵闌舉座裁青紙門草分庭輸赤錢爾日
清狂回首盡芙蓉琢就肯畱仙

龍釵太液逝清波窈窕芙蓉故國歌藕孔藏羞金屋少棘

端闔巧玉塵多江邊草樹洊羅帶山外樓臺埽黛蛾空谷
春風自較晚申申相詈欲如何

素舸誰家出畫橋鴉鵲弄影不驚潮分明絳蠟慵青眼觸
撥冰弦細綠要逝水無情煙渺渺落霞有意月迢迢可憐
玉鳳凰猶佩只傍藂臺變畫蕉

桃水流水聽淪淪理櫂青谿女手摻鸚鵡朝霞開畫閣鷗
鵠落日送春颿小姑拾翠綢繆帶中婦流黃純縵衫爲問
幽期紅荳蔻尺書應是鳳來銜

聖姑祠

迴風颿颿滿靈旗正是鵲啼春去時幾見陰廊題綠字更

無古木繫朱絲披衣雨散都如夢化劍天高未可期惆悵
褰帷猶一笑空山欲贈碧琉璃

偶成

風牆吹雨卧枯藤霧幌縈煙潤曉鐙夢到長亭泥滑滑愁
當明鏡骨稜稜萼華有淚翰思婦薺蔔聞香問老僧玉版
赤蚪何日降大羅天上最高層

流蘇紅玉欲成水迤佇艷艸與髭髥神女峯頭雲氣濕小
姑谿外露華凝某花流水思清夢貝葉寒岩悟大乘倩得
李羸迎畫樂弄珠何處曲闌凭

細雨芊綿滅遠嵐藥爐經卷冷於庵壯心憂患都應悔慧

業風流本是諳燈穗昏時歌阿子刀輪舞處見瞿曇小窗
偶讀陳王賦髻影添偎白玉龕

遠道難遺薦一垠寶釵明鏡麝煙含空山幽色依睂綠極
浦春愁送水藍盡見文鴛隨桂櫂最憐么鳳上瑤簪芝田
賸把梅花補白木長鑱手自擔

桃葉歌

桃根與桃葉開花復向日甘露澆桃根結作千年實
江神躡浪歸期郎在江隈楫影亂中流知是桃葉來

十四夜對月

寒梅小雪怯清癯最好宵來明月俱倚裊閒愁渾欲訴凭

闌薄醉不須扶難忘風雅高柔侶偏拙功名鄭緩儒紙閣
蘆簾貧亦得東門莫笑哺糜愚

雜感

迴絕柴關一敬通相朝意氣可憐蟲逢人假寐常羞婢伺
我甘眠欲罵僮小苑花飛新雨後江南草長暗愁中旅遊
遙想登吳嶽文戰何如賦手雄

三月一日率爾成篇

青燁酣草色川魄含晷影屈指感盛時延目投佳境媚日
一叢花綠雲數曲嶺春禽磔磔鳴遲日意俱永雖無偶然
侶流連足光景勞生常竊歎妄言可深眉仲文指病樹景

純賦潛穎坐覺愁迴腸誰令怒生瘳森風掩上馳景色掩
萬井豐隆將凍雨銅沱喧不靜施維氣未和執規政太猛
出火令已當賜煙卽且頃分無帶柳圍行矣飄桃梗

卜將軍墓

負璽犇亡燹火中當年王建亦豪雄摩挐古壁春蛇字更
說將軍百戰功

鬼簿陰廊灑墨花鹿城鬱鬱繞山斜客來獨立殘陽下對
語前朝石押衙

花神廟

春幡四角壓重簾玉輦曾將竝蒂拈奉出綠章夸手叉散

來紅雨恨眉纖一年好句琉璃管百末香魂翡翠奩憶在
陳芳馨篆熟石家小措最無嫌

遊鹿城山

翠微不到巔自自突衆皴紛然牛馬飲角鬣爭奔溜茲山
跨城隅重甌谿衍透鐵鎖小竹谷不限人間秀我拾磴級
升印見倚廣廂朗映玉山人行髻堂隍逗山僧奉苦葺天
井俯陰巘剖礮千尺凝鐘磬鏗然奏芳草點羣羊美樅窺
饑飢窮墮暈野花兩頰酣濃耐睥睨臥苔雲靜宇雙蛾皺
風流顧阿瑛遙呼一卮侑亭林箸述功長與此山壽絕陘
多礪礪羅列兒孫瘦此遊良足多一卷牽藏裋

初夏薄遊淮上舟中雜詩

紅絲小磴破橫紋最羨銅官合作舊午寂茶烟初挽夢舊

愁山翠不舒顰安排世上風塵面抖擻生前露電身一笑

雲堂同旦過下符調水也情親

遊九龍山从寺僧若飲復乞得水一斛歸

郵籤細數舫樓凭九里祠邊水碧澄小市斜陽吹牧笛孤

舟遙語上漁燈懊儂真怨家山遠捉搦相憐夫壻稱一曲

女環琴韻邈河梁落月過毘陵

急溜真如馬駐坡楊舟紉繹發勞歌土厓青穊翻雲下沙

渾鳥健壁浪過日午偶然聞啄木水渾那更有淘河練兒

雲氣今何在指點空城是曲阿

茱萸灣口水初肥皂茨林邊絮尚飛千載羊鷗銷國恨一
軍蘇德壯兵威佛狸幾作投鞍望神馬難謀奪駕歸此地
從來悲戰伐譙樓極目送斜暉

尚有垂楊綰客舟倚闌新翠滴清眸難忘晉宋千年恨直
接江淮萬里流風景亭中名士淚夢魂臺下美人愁如何
猶唱臨晉樂采得蘋花弔玉鉤

觴窺浮萍聚水湄東風猶作柳花吹無何小艇斜陽逝有
閒浮雲暮色遲十里種蓮開港汊一村嫁女換門楣宵來
仙女祠邊宿星下誰家唱竹枝

客子生涯任轉蓬薄遊未用歎途窮空來李福橫戈地不

見臧洪投袂風野馬過濠魚鑰閉慈烏望月雉樓空誰能
料理輕雙足

鹽城脚力張儼事見酉陽雜俎

千里清愁鈴柝中

崑山有一鳥

崑山有一鳥文采何輝輝嘗爲金母使銜書元圃歸天門
蒼且黃燠睂流清光簷翅入雲烟啄碎長星芒王母本愛
惜送籠微鍛翮羣仙按罪科微命遭重謫暇豫呼烏烏對
臆但自呼百鳥皆集苑此鳥獨集枯樵來伐枯樹顛棄莽
榛蕪毛羽生蟣蝨跂距困黷黷盯瞋常惕息百鳥共啾啾
有聲在樹間呀口議汝尤毛羽汝自矜餓死余爾羞不如
振甕率汝腥腐求此鳥默無言涕泗下交頤不能卽死

罷指摘生瑕疵不飛亦不鳴
籲天欲何爲願銜南山木填
海無險巇願駕雙星度人生
無別離

錄別詩

北風吹瘁瘵邈然懷故鄉
故鄉不可見愁思日以長
循帶縈千緒廢積在中腸
詠言懷萱草徘徊下北堂
不覺鹵日落冥冥返空牀
明月從何來千里共分光
耿耿獨不寐悄悄心自傷

迢迢河鼓星厯厯窺井垣
憂思如疾疢漸靡苦無端
戢戢裒孤影起坐成三歎
人生無百年寡合尠所歡
形骸非金石安能常渥丹
猶有九迴腸展轉聯若環
願以溯晨風流

思託羽翰

天聽亦已遠
隕光不我顧
出門望天涯
仿佛夢中路
可憐蕙蘭花
馥馥從風布
佳人不在茲
冉冉恐遲暮
孤雲無所依
客子無所歸
棄置勿復言
令人老且衰

誰與共清旦
閒關鳴宿鳥
綠葉垂綺窗
冥冥不知曉
惜哉分蘭襟
靜裏阻悄悄
嬖媚不自持
紫紵積思窈
海上多浮雲
平凝散八表
側聞簫管聲
清思何窈窈
白鵠招不來
萬里孤光曉

拔劍歌慷慨
報恩將安歸
中原多黃塵
故人相見稀
乖離在須臾
欲去復驛衣
之子勸令德
策名于清時
黃髮苟不

愆歡愛自相期丈夫亦有淚母爲兒女啼斷梗何飄飄飄飄入雲飛願爲連理枝常燭三春暉

雜詩

素卷朱弦乏賞音婆娑老樹欲隨羣夕陽是處愁邊落舊草無多病裏尋每笑癩肝同世事鷄將象膽比人心黃塵跣跂誰疆伴忍作幽州馬客吟

半簾水色護琅玕老屋東頭亦自安香火因緣木居士滄桑歲月石朝官文名欲戀輕雞肋世味偏嘗比馬肝說向閨中多感槩買絲爲我繡平原

生衣剛換木棉裘船趁風吹作麥秋耕海潛夫甘遜世過

江寒士莫登樓三千牘向公車奏二百籤從小品求日暮
臨風無限思一聲鐵笛散遙愁

碧樹葳蕤珠萬叢迢迢赤岸畫樓東繡幃辟惡懸剛卯銀
盃含羞試守宮亡復六璫吹夜月堪憐雙羽謫晨風山河
邈絕牽塵网北似黃壚歎阿戎

謁宋丞相陸公祠

不僉謝道清不作瀛國公孤兒與寡婦乃似田橫雄始知
陸丞相愧死家鉉翁有宋三百年以此全始終身抱龍髯
墮魂歸鳳闕空

用宋瀛
贊語

瓢城如斗大閒氣積所鍾至今榮

故里衣冠想靈宮薄遊至斯地偃僂明余衷壁間漫漶字

階下童童松斗拱，窺病鷗絳帷。觸闇蟲咨嗟，一瞻顧上雨。
連旁風，古人稱入境卽知殿。最功於斯，弗表率人士安所。
宗雪涕弔厓山，瓣香呼蒼穹。精神常不滅，耿耿此心同。

耑午小集

新篁如醉拂窗紗，鬼目堆槃出庾家。世上情懷千日酒，客
中風景五時花。畫眉曉罷朝雲卷，含笑開殘夜月斜。猶有
彩鸞題表綫，莫開石匱見天厓。

楊忠烈公

漣

血影石歌

虎彪齧齧食人血，大刀殺賊刀環折。黃沙獄中祭臯陶，滿
籬涌柱冤難赦。智囊一疏礪齒牙，二十四臯口嚼鐵仙翁。

招手箕尾乘浮邱挹袖囊頭噎

謂彭幼朔左僉都

想其握拳透叉

時一片丹心相映徹青黃隱迤非雕鏤凜凜須眉不可滅

至今賜睽青燐馮怒鬥麒麟飛列缺公死不因熊芝岡顧

命老臣難竝列鬚子官忘立仗忠野貓頭美登仙

公同年生

梅之煥

浩然之氣塞天地黃芝狂狴表奇節亡須酌酒收王

琳一碧補天天不裂入甌磨煨尚如新印壁鏜除猶未歇

小常村與羅剎磯齊諧志怪往聞說大賢浴血鬼哭哀相

好宛然精爽結要典逆案儵轉關蠅蚋蝗蝻又騷屑市朝

變易石無言雨氣涌騰助嗚咽允陵石馬已生毛滿地茄

花怨妖孽

壽先生 同春 歌

大洋環島澳稊米生瘠惡少跳踉起僞署告身皆一紙守
陣痛哭長官死先生慷慨呼別誠七十老翁甘止此有剝
肯向葛榮撓礪頸焉能怵國士虜讐入城如入甕智囊片
語嘸囉喜蠟櫻夜約葫蘆軍紅衣礮碎遊艇子素鏑沈沈
白練圍三日開門血洗矢辛讜一劒坐女牆裂裙作旗民
呼市捷書欲報道路窮截竹爲筒浮海水妖氛稍息旋復
熾諸羅鳳山盡痕瘡書生自踐戎馬場彈丸屹立長城倚
上馬擊賊紅毛刀下馬草檄香皮紙金貂白石煩參謀羽
扇指揮尺捶使花項四出方蔓延前籌可借亞夫壘上言

布衣報

皇恩卜式不爲深愧恥下言賊中巢穴虛疾

雷所加不掩耳誰云耄矣無能爲矍鑠猶堪執鞭弭偏師
拔戟自森森健兒橫敵作變徵氣吞逆賊鑿凶門饌餉戰
血萬山紫營頭壓敵鼓聲摧短兵再接排邇迤谷中轉鬥
斷援師的臚小駟還潭止掉臂一奮天應愁攢稍八刃罵
嚙齒丈夫馬革裹尸還死是鬼雄髮猶指嗚呼公死賊膽
落驚駘戀棧不離咫尺駢首就縛無移時忠魂含笑泉臺裏

朝廷恩重羽林孤

龍章彪炳忠賢禩直將熱血

濺蒼旻寧獨英風耀桑梓書生投筆欲從戎年華冉冉常
拊髀如公磊落壯心抒歎息臨風寄短誄

夜雨遣懷

一鐙對客黯離思坐聽梧桐雨滴池遠火微明杳檝外暗
潮正長斗門時三萼花落陳琳宅半夜烏嘯陸相祠往事
幽寒空兀兀夢華小錄最情癡

盧郎楔置竟如何讀罷離騷醉汨羅結夢青梅三月小箋
愁紅豆一簌多朝雲不向高臺落夜雨偏從倦枕過猶有
豨膏嬾照處半臂錦字蹙雙蛾

擬古意三十四韻

錦帳然華燭珠簾倚翠翹紅絲真自識綠綺不煩挑卻扇
銅龍出催妝火鳳調蘅蕪藏薄媚荳蔻放全嬌好夢新同

試幽盟密共邀金鵝明月障寶鴨聞烟飄文石移雙闕貞
蘿託後彫流蘇隨嫋嫋滴漏自迢迢淺黛眉稍暈微渦臉
際潮鳥聲催鈿閣日色駛窗寮親傳何郎粉還吹弄玉簫
禪襖交繡袜襖飾壓氍毹貂絳蠟封條脫紅微繫步搖瀛洲
栽影木元圃種芝苗九子應題墨三正解頌椒情長翰角
枕緣淺恨星輶斂笑秋眸轉含愁綿骨銷槃中貽伯玉洞
外憶文蕭杏頰深于纈檀槽細是么卯聞元烏饒書約白
魚遙銀甲梅仁破瓊句柳絮撩閒關鶯語滑蹀躞馬蹏驕
從此幽憂積幾時薄怒消荷衣疑白晝香物訴清宵鄭重
腸迴錦分明淚聚綃求仙空李預嫁女美弦超都尉駕鶯

隔廬江孔雀招白榆營室望黃竹聞風警七寶迷瓊戶三
株聳碧霄絳河沈落羽赤岸激涼颼麟篆何年熟龍文往
日雕女郎山上路綠意不堪描

燭淚二十韻

趙瑟初停夜秦篝嬾倚時金泥消伏鴈銀粟綴蟠螭報喜
花先謝離愁霞復垂青廬相掩映紅浪乍流澌婉轉龍膏
溢汎瀾鮫箸滋魚鱗翻欲動燕尾蹙相隨珠落銅荷葉星
飛綵樹枝璘玢成琥珀滉瀟徹琉璃祇覺煎心急堪矜見
跋遲嘒粧久未睡泣露夜何其景並香童訴情惟鐙婢知
成灰蛾更老采蠟鳳難嬉憶乍然青玉相憐映翠眉唾壺

偷欲照香閣試同移守歲雙燭結含羞半面窺熒熒情共
滿焰焰燼還吹搖落催蚪箭淒涼暗蕙帷橫波挹鳴鶴如
雨試斑駁已惜天明別重禁夜靜思難然應是溼共翦莫
相期廣袖華頻浣輕綃點共遺紅裳嚮寶帳綠桂望金支
命向風前薄光隨夢裏疑成堆豪舉盡應笑板牀持

瓢城夜雨與錢大履坦

其宿二十二韻

河鼓迢迢下獸環壁缸曖曖映華鬢蕭疎獨夜梧桐雨欸
乃誰家楊柳灣千里塵牀呼噩夢一鐙紙閣洗愁顏謾揮
玉塵元風颺試拂銀鉤紫氣殷殘史周秦開佛劫新詩李
杜破天慳薛澄年少言多感崔亮居貧計亦艱舉眼應超

牛背上灰心無事馬蹏閒易悲秋氣驚黃鶴難遣羈情放
白鷗料得勸窗熒燭淚曾經南浦看刀鏤桃花掩扇流蘇
墜雀尾眉簾倭墮鬟句寫青琴鸚鵡眼香殘絳雪鷓鴣斑
天涯落拓憐同拙世上升沈笑我閒酒習浪婆形簾簸歌
寒月姊骨清孱三升河朔幕情發一曲江南客淚潛朱燼
闌然蟲細細曲瓊巧覩月彎彎元龍磊落情非薄士雅從
橫事未嫻風戰菰蘆聲慙繁淖衝瀾洑執滯緩屏間僵觸
蒼頭睡戶外驚題白耳跼此際予真欣晤對他年元度憶
追攀靜中物化程生馬忙處功名觸門蠻那有神雖評月
旦都無仙骨占名山直須分著賓徒屐長與羣巫去不還

末麗花三十韻

偶向毘邪笑偏宜額粉妖縵華天上散素奈苑中簪小蒼
旌飛雪叢極水翦藍芳心昏逗半涼意伏除三何處花田
種相移粉戶擔越裝薰陸賈細帙疏嵇含香國瓶蒸液珠
娘歆沃汁檳榔然的的瑤琨映髮鬢令節招闈爰微風拂
少男淚鮫移象舶媚蜨送犀潭掩扇驚回顧封紗解共談
摩河池畔立含顰帳稜函翠管扶爲屋銀嬰列作龕吳宮
簫散鶴園客覩成蠶清夢羅浮斷明妝洛浦慙如雲穿綵
縷障日賣筠籃一段冰壺翦雙螺銀甲探搔頭橫朶朶撻
尾襲醺醺綽約柔情看淒涼別緒諳珠簾浮細艷金粟門

清酣醉點龍團茗閒消靈漬柑仙姿迷嶺外玉宇望江南
浴罷施明鏡更殘罨素奩月斜渾欲放露下怯曾滄滌暑
風輪鼓增妍面藥弁琉璃紋似水屈膝氣如嵐瘦甚茶蘼
候禪思薝蔔參寶階腸軋軋芳豕語齟齬顫髻雙纏窄偎
人七插愁餘薝思皓腕莫復似優曇乾淳歲時記末麗初
出之時婦人簇帶多
至七插所
直數十券

鹽城新秋

一雨新秋色長空破點鷲雀聲喧老樹豸迹細兕蹊近海
風常作無山日易低祛愁亡一事欲上范公隄

餅蘭

現身偶一笑未受色塵侵託命瑤階淺緣情玉佩深鏡臺
低小影香界結同心千古靈均怨瀟湘露滿林

龍夜吟

秋飈飈飈吹黃蒿流星去地二丈高當窗綠玉怨楊柳下

徵聲操二尺九

見晉書律志

哀音嘹唳雲朦朧長轡遠引摩蒼

穹梁照素娥按節舞月宮桂子落如雨老魚跳波橫赤尾
湘江竹瘦茗華死絳樹無聲雁柱停高秋霜黃野火青二
十一變轉清角紅粉樓中淚雙落金河秋雁皆學飛紇干
寒飈白翎雀怪雲壓山山欲墮一縷柔腸石罅開千里金
鵝夢喚回煩冤咽血白龍白

十五夜對月

人言愁易積我始欲愁時假我芳年好隨他夜月虧孤雲
還挂樹零露正侵墀莫更言三五幽寒鑒薄帷

感秋雜詩

惡少萑苻聚私錢盜五銖蓮花生井發瓜蔓結城隅利冶
開軍仗黃沙散獄徒專城有大將已佩玉麈符

聞河南息縣被亡命

賊陷

閩粵誅吳滿河湟竄郭麇幾家悲戰伐歲晚欲招魂繡斧

軍興急貂蟬將領尊誰能磨盾鼻草檄出轅門

時滇粵川隴皆有軍

事

犵狁能乘象猺獠肯買牛徑須誅爨玩莫更立婁侯馬判
橫江惡金沙下卡愁征人休北望百色月如鉤

壓圖聞銅鼓塘牌駭角弓漏天飛墨雨沸水哨旋風增級
非田順專征有馬隆近聞馳露板已報入南籠

亡命遊艇子風濤逐馬人巨稍夸國士大艦出江神獮薤

寧能盡遁逃亦有因大陳山閉後無使梗通津

海盜爲患撫臣吉慶

以大陳山爲藏奸之所
奏請封閉徙民內地

志趣遺濠上深知莫逆難早年無著述中歲盡悲歡豈得

免寒士誰能愛好官秋聲日搖落孤影泣南冠

行年非十七徵召竟何如孫愐成唐韻楊汪受漢書客中

僮僕慢賤日炙朋疎捫蝨談糟粕多方誤五車

小豕猶芳草萑陽踏繡鞵金蠶都蝕土玉燕未投懷生向
天桃笑死同紅豆埋娉娉緣不斷重返九鸞釵

月弔清癯態蟲聯長短唵豆花不成艷蕉葉偏多露小試
悲秋興寵知作客心褰繻早料理愁絕荒城砧

昔日裊香草相思在漢南一身隨落葉兩鬢犯江潭岐路
常多感名山好共探憑將鍾鼎志一爲懺瞿曇